



327

ВАЛЕНТИН ДМИТРИЕВ.

Шүңгілтүш мұт

Талант и
жизнь погибели

Валентин ДМИТРИЕВ

ТҮНДЛТЫШ МУТ

МУЗЕЙНЫ БИБЛIOТЕКИЖЕ.

ПОЧЕЛАМУТ-ВЛАК



Книгам лукишо марий издательство
Йошкар-Ола — 1959

Самырык марий поэт Валентин Дмитриевич Дмитриев
лу ий жапыште ятыр почеламутым возен. Тудын по-
челамутшо-влак 1950—1959 ийлаште республиканский
газетлаши да «Ончыко» журналеш печатлалтыныт.

Тиде книга — тудын первый сборникше. Поэт шочмо
мландыжым мокта, В. И. Ленин, Коммунистический
партий, Октябрьский революций нерген мур, Великий
Отечественный войнаште молодежын подвиги, война
да варасе чапле пашаже, мир верч кучедалмаши, калык-
влакын келицимашышт нерген воза, пиалан йөрратымы-
шым саламла. Тидын дene пырляк айдемин түрлө
ситыдымашыжым мыскара почеламутлаштыже воши-
тылеш.

Валентин Дмитриев 1927 ийыште Моркинский район,
Себе-Усадский сельсовет, Чодра-Сола ялысе кресаныык
ешеш шоочын. Ялысе средний школышто тунеммекше,
Советский Армийште служитлен. Тушеч пörтылмек,
Н. К. Крупская лўмеш пединститутышто кок ий ту-
немын..

Кызыт «Марий Коммуна» газет редакцийште лите-
ратурный пашам ышта.

КУГУ ОКТЯБРЬ

Ок мондо Октябрьым уэмше Россий,
Ок мондо ты жапым сандалык.
Шарна курым мучко, кузе эрык вий
Пиал кече верчиң кредалын.

Кузе чот раشكалтыш буржуй-влак ўмбак
Куатле «Авроран» тул залпше,
Кузе петроградский пашазе отряд
Сенген пурыш Зимний залыш!

Кузе волгалтарыш у кече ласкан
Российын чыла пич лукнажым.
Октябрь, эл мучко триумф ден эртал,
Ик стройиш ушен калыкнажым!

Да шакше тушманым кырен шалаташ,
Лойгалтше эл знамям кучалын,
Вўденыт мемнам эрык верч кредалаш
Компартый, он Ленин ўшанлын.

Чыла тор-чарақым сенген, калыкна
Пашаш пиже кумыл нўлталтын.
Садлан кўчык жапыште шочмо элна
Пеледың, уэмын, вашталтын.

Пайремыш чыла ег лектеш рығ тошкал,
Флаг-шамыч лойгат ловыкалтын.

Октябрь эл мучко триумф ден эртал,
Ик стройкыш ўжеш калыкнажым.

Ласка илыш верчын тырша кеч-кунам
Куатле советский Отчизна.
Вўда эре ончык ўшанлын мемнам
Компартий кечан коммунизмыш.

1953 ий.

ЛЕНИН

Владимир
Ильич

Ленин,—
түньямбалсе
калык вождь,
яндар лўмет
шўм-чоныш темын,
йолга чапетше
курым вошт.
Улат эре
эн лишил, шерге,—
ме тыйын
улына шочшет.
Арслан айдеме,
калык эрге!
Волгенче гай
улмаш ушет.
...Мерчен илённа
ожно годым,
поян-влак ончыко сукен.
Мыньяре еңын
кумыл кодын,
мынгар шемер
азапланен.
Но тые
йёсö илыш корным

шўкальыч ёрдыш,
калык вождь.
Мемнан деч
шучко курым торлыш,—
куанже теме
шўмыш вошт!
...Январский кече...
Неле тольо,—
шўметше кырымым чарнен.
Советский калык,
шўм-кыл шолын,
оннажым — тыйым ужатен.
Уке улат тый,
но оетшим
Компартий раш шуктен толеш.
Ильич,
кынел, ончал элетшим —
кузе йырваш
паша шолеш:
Кугу Юл вўд воктене талын
(кушакын тые шочынат)
У стройка-шамыч кўш нёлталттыт
кумда,
виян Совет элнан!
Шўмбел,
пеш шерге Партийнаже,
Мемнан пиал верч
чот тыршен,
оет почеш
вўда элнажым,
Ўцанле корным ончыктен.

1952 ий.

шочмо ял

Лийын омыл мый шукертсек
Шочмо-кушмо мёнгыштем,
Кушто йогын вўдла эртыш
Изи годсо пагытем.

Таче тышке угыч тольым,
Но ом пале тудым ялт:
Ныл идалык жап коклаште
Чот вашталтын шочмо ял.

Ончылнем колхозын клубшым,
Йоча садшым мый ужам.
Кумыл тодылт, налын упшым,
Пелештем: «Ялем, салам!

Күшкынат сылнешт, уэмын!..»
Куансан, йырваш ончем.
Но ончен ок тем шеремже,
Омым ужмыла чучеш.

Кенета пошқудо пўртын
Комдык почылто окна.
Кычкыра мыланемже Пўтыр:
«Пуро, пуро, лий уна!

Илена ме ынде сайын,
А эрла сайрак лиеш...»

Почын комдык омсажым,
Пётыр мыйым вашлиеш:

«Шич-ян, шич-ян тыш, тембаке,
Вигак тёрыш шич, уна...»
А кумда ўстел ўмбалне
Пушлана коман мелна...

Ынде мый тунемше омыл.
Шочмо ялыш толмекем,
Пошкудем-влаклан дипломым,
Шўм-кыл вургыж, ончыктем.

1958 ий.

ПАРТИЗАНКА

Великий Отечественный война илаште Украиңисе сельский учительница комсомолка Зинаида Васильевна Сыромятникова партизанка-разведчица лийин.
Тиде пошеламутым тудлан пöлеклем.

Война түггалме ий. Декабрысе йўштö.
Озалана йырваш тृтан мардеж,—
Ош лум пуракым корно гычын ўштын,
Молан тынаре шыдыш ден пöрдеш?

Ала тудат сырен фашист тўшканалан,
Ала разведқылай полашаш шона?..
Лачак тыгае йўдым, шып тошканын,
Лектеш пич ял гыч лўддымö енга.

Эрта, онча... вашкаш тудлан ок йёрö,
Палат гын фриц-влак — колымаш вучча.
Кая пыкше, мардежлан лийин шёрын,
А шўргö мучко вўд шырча чыпча.

Эрта межам да савырна шолашке —
Кўлеш Донец эгерышке лекташ.
Ок шыргыж тылзе кўшнö—вуй мучаште.
Да оным йўштö утыр ишикта.

Ўнар шагал, а тудо эре ончык
Чодра тўр дене эркын ошқылеш.

Ойла шкаланже: «Зина, түткүн ончо,
Эрдене штаблан сведений күлеш».

Уже Донец. Но мо туғас лийыч?
Молан тынаре ёрыч кенета?
Ала тушманым тый тышан вашлийыч,
Ала шенгечүүн пире-влак поктат!

Уке! Нигө деч лўдын оғыл ўдыр.
А вот эңгер кылмен оғыл пырчат.
Кузе лияш? Пураш ялт ий гай вўдыш,
Келаш да ийын вес веке вончаш?

Иеш лўддегеч ончык комсомолка,
А вўд пеш ўйштö — кап-кылыш вита.
Мёнгеш шўка мардеж дене вўд толкын,
Кид-йол кылмен, да могыр кўчышта.

Ты жапыште чот лўйкалаш тўнгалыч,
Пуля-влак шыдын керайлтып воктек.
Ок чарне ўдыр, уло вийым налын,
Иеш сер вельиш, партизан-влак дек.

Сенген, сенген! Эрдене, штабын портыл,
Начальниклан пакетым кучыктен.
Кеч колымаш Зинуунын йырже бўрдин,
Но ыш керт патриотким кепишилтен.

1958 ий.

BРАЧ

Ужын омул ыле ятыр годым
Ильшем утарыше врачем,
Но вашлийым тудым таче водын —
Кодшо пагыт пурыш ушышкем.

Йўштö теле. Фронт. Ийрваш пеш шучкын
Мўғырен пудештылеш снаряд.
А эңгер вес велине кече мучко
Орышо фашист-влак кычкырат.

Вот вўдем мый шкемын взводым ончык;
Нушкына, лум пургыжым шутен.
«Лейтенант, шеклане, сайын ончо»,—
Лач ик шоныш веле ушыштем.

Кенета, куатле толкын семын,
Шергилт кайыш йырым-ваш «Ур-ра!»
Кўргё шоныш, шўмыш шыде темын,
Тўнгална тушманым чот кыраш...

А варажым мый нимом ом шарн:
Эрдышкем логалын кок пуля...
Помыжалтым — ош палата, марле
Ошын койит мыйын шинчамлан.

Воктекемже, шыргыжалын толын,
Врач ойла: «Тый колышт, лейтенант,
Ит коляне, операций полышын,
Угыч йол ўмбаке шогалат!»

Тыге тудо йүдшö-кече кажым
Ача семын ончыш, чот тыршен,
Пуйто шкенжын щерге уныкаждым,
Ний шипкаште кийышым, рүпшен.

Но варажым, тёрланен шумеке,
Угыч лектым фронтынко каяш.
Ужаталын только станций деке
Военврач — чылан ўшан йолташ...

Кызыт ме, жиднажым кормыжталын,
Эртен кодшым угыч шарнена,
Күзе тудо йүдымат биш мале,
Күзе меже стройыш шогална.

Да күзе пеш шуко түжем менгым
Эртышна, нимо дечын лүдде.
Сейгымаш ден пörтыл толын мбиггö,
Ушнышна пашашке, каныде...

Ятыр жап мутланышина ме коктын
Илынша, паша, ешна нерген.
Даже шижын оғынал йўр шокым,
Тўрволак гыч вўд күзе чыпчен.

...Врач шыпланыш. Эркын шыргыжале.
Вуй покшелне чал ўпшат йоген.
Онгыштижо орден, йылгыжалын,
Палдара — күзе эл верч шоген.

Садланак мый, кумылем нёлтальын,
Шўм гыч лекше ойым пелештем:
— Сай пашатым оғеш мондо калык,
Уло калык лўм ден тауштем!

1956 ий.

СЕНГЫМЕ КЕЧЕ

Тиде кечым тўя бгеш мондо,
Тиде кечым шарнат чыланат.
Кузерак пел Европышко кондыш,
Тыныс эрым советский элна.

Курныж тукым тўшкам кырышина ме,
Бўжна лўд нимогай неле деч,
Да Берлин ўмбалан мирын знамям
Шоғалтен улына эрык верч.

Руш салтакым тусо шемер калык
Шўм воктенже ёндалын вўчкен.
Шинчавўдым шыман ўштылдалын,
Тау мутым тудлан каласен.

Ятыр ий ынде эртыш ты жаплан,
Илынаже, вашталтын йёршеш.
Ончалат да торашке ужат тый —
Элна мучко у стройка нёлтеш.

Война годсо танкист нур ўмбалне
Трактор дene куралын эрта.
Труд Герой-влак, пасушто тыршалын,
Чапле лектыштан шурным күштат.

Күшто ожно киен ошма веле,
Күшто пёрдын мардек йырым-ваш,

Қызыт түшкө чыла түрлө вел гыч
Толын калык каналым ышташ.

Мом ойлен кодыш Ленин оннаже,
Тудым партий шукта чыла раш.
Тек куатле Советский элнаже
Пеледалтше эше утларак!

1954 ий.

ЭРДЕНЕ ЙОШКАР-ОЛАШТЕ

Кече лектын кумда кава түр гыч,
Шыргыжал мемнан млаңдым онча,
Солык семын түрлаплан пүртүсүм
Пуйто шөртнүй мундыражым ронча.

А каваште кандалге пыл-шамыч
Йүд йымақыла эркын эртат.
Көгөрчен-влак түшкан вуй ўмбачын,
Сылнын пöрдүн, ласкан чонгештат.

А столица — Йошкар-Оланаже
Ик мучаш гыч вес түрлиш шумеш,
Мир верч нöлтүй кумда стройлылаж ден
Чапым налын, пелед сылнештеш.

Йырым-ваш пеш моторын нöлтальтыт
У больница, театр, завод,
Тидым ужын, шўмна куаналын,
Но кузе тын, кузе огеш мод!

Чыла тиде мемнан сенгымашым
Шоочыкта вет куатле паша.
Калыкнажын мир верч тыршымашше
Шочмо верым түзаш чот полша.

1951 ий.

ПАЙРЕМ ДЕЧ ОНЧЫЧ

Эрла пайрем, а таче клуб тич калық,
Чылан шинчат, ок шокто нигён йўқ,
Күза шып сценыш, рвезыла тошканын,
Йоршеш чалемше шонгго большевик.

А залыште чонгештыже кеч карме —
Шокта чыла. Но теве кенета
Рашкалтыш сово йўқ, ок чарне,
Клуб көргым шельян, талын кўдырта.

Адак уэш шыпланыш. Ўнде лектор
Ойлаш тўнгали Май пайрем нерген:
Кузе шемер-влак первый гана лектыч,
Жандарм-влак дечын шылын, ик эрден;

Кузе пашазе вуйлатен маевкым,
Шемер ең-влакым иктыш чумырен;
Кузе ең вўр ден лочиши поян-опкын,
Незер айдемым утъир пызырен.

— Мый ужынам-ыс шке шинчам ден
тидым,—

Ойла умбакише шонгго большевик,—
Шарнем алят: лекна ме, келын вўдым,
Энгель вес век, кугу чодрашке вик.

Вара маевкым авырыш полиций,
Колтен жандарм тўшкам почеш.

Садак мемнан коклаште ыш лий лўдши,
Тыгае годым патырлык шочеш.

Тыгае годым колтышт керек пульым,
Лупш дене почкышт, шындышт кеч
тюрьмаш—

Ок лий ёрташ шемерын шыде тулим,
Сенген лекташ, уке гын — колымаш.

Мучашым ыштыш тидлан революций,
Пычкемыш ильиш пытыш курымлан.
Пуэн правам Советский Конституций
Тапташ пиялым пўтинын калыклан.

Эрла чылан ме лектына парадыш,
Маевкым оғыл, Майым пайремлаш!
Ионгталтше сылне муро ряд гыч рядым,
Лойгалтышт знамя-шамыч йырым-ваш!

Сўрал вургемым чийше калыкнаже
Куатшым, вийжым ончыктыжо тек,
Тек мирын символ лийже пайремиаже,—
Куатле вийым партийна күштен.

1958 ий.

ҮДРАМАШЛАН

Мынтар курым мучко чытен шуко йёсым,
Моткоч орланен иленат, ўдрамаш.
Нигө шотлен огыл айдемылан йёршын,
Ойленет вет пуйто тыгай пўрымаш.

Да юмын лўм дene уштыйм лугеныт,
Изи курика верч пашашке поктеныт...
Но күшко каяш да кўлан мом ойлаш?
Пернен шинчавўд ден шўргетым мушкаш...

Волгенче волгалтыш пычкемый Rossiyyын
Чыла пич лукляжым Октябрь эрден.
Шогале рынг калық, нигё тудын вийжым
Биш сенге. Тылат тиде кече пиалым конден.

Ты кече гыч тые тошканлыч у корныш,
Ты кече гыч йёршын рвезештыч уэш.
Нужналық ден ойго мемнан дечын торлыши,
Пиал толкын шарлыш элна кумдыкеш.

Адак неле перныш, кунам эл ўмбаке
Кержалте вўрангше фашистский орда.
Тунам колтенат эргыч-влакым салтакыш
Тушманым йўршешлан кырен шалаташ.

А шкекже колхозын пасушто тыршальчыч,
Чыла моштыметым, виетым пыштен,

Да фронтлан вургем ден, окса ден полшалыч—
Шўметше эл верчын йўд-кече йўлен.

Тыге ныл ий эртыш. Вара май эрдене
Герой эргычетше рейхстагын ўмбак
Мир знамям шогалтыш! А онжо тич темын,
Мынтар орден-шамыч йолгенит умбак.

Война пытымек, совет калық ўшанлын
Пашаш пиже кумыл нўлталтын, виян.
Шошшет пўртыл только, сеғен йот тушманым,
Тунам тые тудым ёндалыч шыман.

А таче, поген шке ешетым ик верыш,
Пайрем кочкиш дene чылаштым сийлет.
Шинчат да пирля нунин дек ўстел тўрыш,
Родной партийлан тау мутым ойлет.

1953 ий.

КОРЕИ ГЫЧ ПИСЬМА

Паша гыч пörtىлмеке, кажне кечын
Почтовый яшлыкыш ончем:
Москваш вашлийме юлташ дечын
Письмам шўм вургыжын вучем.

Да таче только куандарыше серыш
Марий кундемыш, писын чоңештөн —
Мылам студент Лю Цин колтен уверым,
Мүндүр-мүндүр Корей гычын колтен.

Лудам шымлен, а вуй йыр — эре шоныш,
Шарнаш эрталшым мый кумем шинчам:
Мочол куан, куан темеш шўм-чионыш,
Вашлиймынаже омыла конча.

Уэш ужам Всемирный фестивальым,
Москвасе калык шинчамлан коеш.
Тыш погыналын пүтын түнэмбал гыч
Мир верч кредалаше молодежный еш,

Мыняре ег, мыняре түрлө калык!
А шўмжё кажнын ик семын кыра,
Мемнан вашлийын, кидым кормыжталын,
Шке йылмышит дene шокшын кутырат.

Кеч мые нунын йылмыштым ом пале,
Кеч нуным первый веле мый ужам,
Но шўм шижмаш пырчат огеш ондале,
Кугу куаным көргыштем шижам.

Палат чылан рушла «Москва», «Мир»
ойым,

А южышт даже мутланен моштат.
Моктат мемнан виян советский стройым,
Советский ешым пагален моктат.

Шарнен илаш погат мемнан значокым,
Пёлекым түрлым пуэдат ваш-ваш.
Палем, иктат тыш толын оғыл ёкым,
Конден тыш нуным тыныс келишмаш.

Тышак вашлийым мый кореец таным,—
Лопка шүрган Лю Цинным ўжынам,
Мутланышна тунам ме кумылангын,
Музейиш, Кремльыш, выставкыш коштна.

Лекмеке Мавзолей гыч, шыргыжалын,
Мылам каласын: — Ленин вождь ила!
Чыла элласе пүтынш шемер калык
Ильичын лўмжым пагален ойла.

Ме чот кредалын тыныс илыш верчын,
Сут янки-влакым шыдын почкышна.
Шкенан пиалым, шочмо-кушмо верым
Тушман-влак деч саклен ме кодышна.

Мемнан шўмна воктене лишил лийин
Вождь Ленинын портретше кеч-кунам,
Пуэн шоген эреак патыр вийым,
Чын корныш лукто тудо калыкнам.

... Лудам письмам, нöлтальтын кумыл утыр
(Уже Лю Цин рушла пеш сай мошта).
Шинчам мыйт возаш тудлан вашмутым:
«Салам тылат, салам, кореец таг!..»

ЙОЧА ПОРТ

Лийнам мый лу идалык ёрдыштö.
Манаш веле: лу ий лач эртен.
Таче тольым угыч йоча пöртышкö,
Кодшо жапым порын шарналтен.
Изи годсо пагыт адак уышыкко
Виешак вет шенгыннак шынга:
Вот шинчем ачам воктене пушышто
Эңыр дене. Витара шынга...
Вот колам адак авамын ойлымым:
«Ну мogaе озорник улат!
Пүчкынат шлеям, пеш чаплын тойлымым,
Логалта ачат ынде тылат».
А вара ачамын нальыч сарышке.
Туп гычем вүчкале шыматен:
«Илышет верч, эргым, тул-пожарышке
Мый каем, ик жаплан ойырлен»...
Но тунам шым пале нимомат мые —
Шучко сарым, ончыклик ойгем...
Лач шарнем аchan вүчкен шыматымым,
Аваемын шортмыжым шарнем.
А ик ий гыч пеш нельян черланыш да
Кодыш мыйым тулыкеш авам.
Щочмо сурт ден ойтын чеверланышым —
Нальыч йоча пöртышкö тунам.
Тушто, сай тунемын, ушым погышым,

Тулык-влак дён чот көлшөн ваш-ваш.
Кенеж годым кадыргылын йогышю
Ший энгерыш коштна йүштылаш.

Тушто луктыч кумда илыш корнышко,
Мый тушечын кайшым тунемаш.
Йолташем-влак кидым шокышын

кормыжтышт,

Станций деке лектыч ужаташ...

Иленам мый лу идалык ёрдыштö.

Манаш веле: лу ий лач эртен.
Ужаш тольым таче йоча пöртышкö,
Кодшо жапым, порын шарналтен.

Вашлияш пöртончык рүжге лектыч
(Керек оғыт пале шукышт ялт),
Саламла чылан лўм ден директор —
Нил Иваныч, порын шыргыжал.

Пурена шола могыр пöлемышке...
Чу, вет тыште мые иленам.

Кум окна лектеш тышеч уремышке,
А кудвечиши — нине кок окна.

Теве тиде лукисо кроватьште
Ыле мыйын малыме верем...
Ой, пеш шерге мыланем чыла тыште,
Муынам мый тыште пиалем!

Улам кызыт пеледалтше Родинын
Офицерже — летчик-лейтенант.
Вашлийда те мыйым йörшын родыла,
Шолым-шамыч, куанен чылан.
Лиийда эреак мыйын ушышто.
Мый тендам ом мондо нигунам.
Курымашлык пиалдажым южышто
Аралаш тушман деч түнгалим.

У МЛАНДЫШ!

Пайрем оғыл лүшкалтеш вокзалыште,
Сұан оғыл тышке толылден.
Погыналын шуко калық залышке,
Куан муро шергылтеш йонген.

Сылне семже кажне енғын чонышко
Логалеш да кумылжым нөлта.
Лектеш тудо зал гычын перронышко
Да умбаке, мүндырк чоғешта.

Үжеш тудо кажным эре ончыко —
Партийнан ўшанжым раш шукташ.
Комсомолец-шамыч станций ончыко
Лектыч рүжге поездыш шинчааш.

Кеч звонок күшта пураш вагонышко,
Но иктат ок вашке ойырлаш.
Але уло пел шагат жап. Шонымым
Ойлынешт-ыс нуно таңыштлан.

Теве икте тамбурышко күзыш да
Каласаш түңгали кумыланғ:
«Кодшо ий киднам тыгак ме рўзышина
Казахстаныш кайше-влаклан.

Палена ме, нуно пумо мутыштым
Раш шуктеныт, чапыштым нөлтен.

Ойырлен каялмे ты минутышто
Ойлыдегеч ом керт мый чытен.

Шўм гыч лекше ойым чылалан тыште
Қаласем, йолташ-влақ, тыланды.
Комсомол путевка ден у мланышке
Каена шукташ ме ўшандам.

Шуко курым мучко яра кийыше
Мланым почын, чапле лектышан
Туто шурным күшташ тиде ийыште
Пижына ик ешла у пашаш!

Тек элна пеледше, да поянлыкше
Лийже утыр шуко калыкнан.
Тек тушман-влак ончышт шучко янлыкла,
Шўмышт шелын, шыдышт ден мемнам»...

Паровоз шўшқалтыш, йўқшо мүндыркё
Шергылт кайыш, йырым-ваш шарлен.
Таңышт-влакым кодшо каче-ўдир-влак
Ужаталыт, кидыштым рўзен.

1956 ий.

А умбалнө — посто гаё озым,
Пуйто нур ужар ужгам чиен.
Үшанем: вес ий мемнан колхозын
Эше шуко киндыже лиеш.

Шыже, сылне шыже угыч толын,
Калыклан поянлыкым конден.
Ок пелед кеч кызыт ужар олык,
Но мый шыжым утыр йоратем.

1957 ий.

ШЫЖЕ

Сүаивате гае койылдалтын,
Той вургемым чийши ынде сад,
Лышташлаже, южышто чүчкалын,
Мландауаке лывыла волат.

Ал аршаш ден вўдымалтын пызле,
Шыже тўсим налын щочмо ял.
Энгер ден ерлаште от уж кызыт
Йоча-влакым, йўштылшым, тый ялт.

Южгунам каваште, вуй ўмбачын,
Турня-шамыч кычкырен эртат.
Ынде нуно чыланат умбаке —
Вес верлаш тўшка ден чонгештат.

Ойлат пуйто: «Қодса те чеверын,
Вет жап шуын мыланна каяш.
А вес шоным толына ты верыш,
Ямдымалтса угыч вашлияш».

Сад пакча шенгелнө, колышталза,
Шочмо ялын идым лўшкалтеш.
Шиеш туту киндым патыр калык —
Машина йўқ талын ўонгалтеш.

СЕЛАСЕ АРТИСТКА

Мемнан селашите уло чулым ўдыр,—
Ойлен от мошто, ѹюсө сүретлаш.
Ок шого тудо нелылык деч лўдын,
Мастар кеч-ќом шке ёекше савыраш.

Пашаш лектеш — ғигё дечын эн тале,
Кертеш-ыс кажнын кумылжым нўлтен.
Ончен шоген, шуэш шымман ёндалме,—
Кид-йол модеш, мошта чыма ыштен.

Кастен, паша гыч мёнгё пўртылмеке,
Огеш шијж нойымашым нимаят.
А ўдыр-каче толыт тудын деке,
Вара чылан у клубышко каят.

Ойла ава: — Изиш каналте, Валя!
А тудо шыргыжалын пелешта:
— Уке, авай, кўлеш-ыс фестивальым
Шкенан вий дene вашлияш устан.

Толмеке клубыш, чумыра чылаштым,
Кушташ, мураш Валюша туныкта.
Садлан ойлат тыге пошкудышлаште:
— Ну ўдыр, ялт артисткымак мошта!

Вет тудо күшкүн изинек тыгаяк.
Мастар кушташ, пеш чулым пашалан.

Лектеш гын сценыш — пуйто ѹюсө кайык,
Лач шулдыр вел ок сите ўдырлан.

Мурен колта — шўмеш логалиш семже
Чылаштын чоным утыр ырыкта.
Кушташ лектеш у хромовый кем дене,
Гармонь почеш тыматлын тавалта.

Чылан ойлат: тыгае чулым Валя,
Векат, кая столицышке — Москваш:
Всесоюзный, всемирный фестивальш
Шемер-влаклан талантшым ончыкташ!

1957 ий.

ВИЕШ ОК ЛИЙ КЕЛШАШ

Лач таче кече гай шарнем, тышан тый
«Вучем мый» манын ойлыщыч шыман.
Вара, ондалын шүй гычем ўшанлын,
Мондашлан оғыл пұыштыч үмам.

А мый, изи шўмет пералымын колын,
(Кеч шуко уло ыле кутырыша)
Шым керт ойленже тидын дечын молым:
«Кум ий гыч тыш лектат мо вашлияш?»

Тунам тый, шинчашикем ласкан ончалын,
Пелештышыч уэш: «Лектам».
Ош шовычетым почешем рўзальыч,
Шинчавўдетым перныш ужылдаш.

Идалык мучко ныжым серымшетым
Арня еда мый налын шогенам...
Вара... варажым мондышыч таңетым,
Шўметлан весым угыч мұынат.

Тылат верч кодын шуко тамле омо,
Тылат верч шўм-кыл вургыжын мынjar!
Изи годсек келшен илалме ѹомо,
А көргыш пурыш пүйто шем аяр.

«Вучем» манметше кўрышталтын лугыч,
«Лектам» мутетшым монденат, улмаш,

Пеш шерге шочмо верыш тольым угыч,
Шыч лек салтак таңетым вашлияш.

Чонем йўла, но мом ыштен кертам мый,
Огеш лий кодшо жапым пўртылташ.
Кеч мұынат шўметлан вес йолташым,
Ом вурсо, вет виеш ок лий келшаш.

1954 ий.

Пүйто тудо,
Мужыр күдүк
Шиждегеч волен,
Ондалнеже
Үдүр егым
Шкенжын шүм пелен.

1956 ий.

KASTENE

Шып кастене
Вўд воктене
Шүшпыш-влак шўшкат,
Ломберласе
Укш коклаште
Куанен чўчкат.

Лыкын-лукын
Сылне йўқымит
Южышто йонга.
Энгер вўдшо,
Нунын ритмыни
Ушиналеш, йога.

Чевер ўдры,
Каче кўдымни
Шинчын олымбак,
Мужыр кайык
Семын койын,
Мутланат эртак.

Теве кўшкё
Эркын кўзыни
Тылзе — пел колча
Вуй ўмбачын,
Пыл шенгачын
Нуным шып онча.

ТЕЛЫМ

Иырым-йыр ончал — пүртүс сёрале! —
Ош лумлан мучаш уке йёршеш,
Пеш моторын шуйналтеш чодраже,
Пүнчерлаш пураш шүм-кыл ўжеш!

Мунчалташ тыгай годым пеш сае,
Огеш лүшкө нимогай түтән.
Чонгеттөт чонга тыч, пуйто кайык,
Воктенет — келшалме ўдыш тан.

Але теве, каналташ шогалын,
Сылне верым шер теммеш ончет.
Он тич яндар южым шүлалталын,
Адак угыч ончыко вашкет.

1957 ий.

КОРНЫШТО

Эр. Волгалтын. Тымык-тымык южым
Кок век шерын, пуалеш мардеж,
Да шара нур мучко ямле пушым,—
Кинде там вик нерыш логалеш.

Ой, мугае чапле шурно шочын,
Иырым-ваш шуйналт кия тораш.
Кеч-кузе тый ончо пасу точын —
Ок кой ни түнгальыш, ни мучаш.

Вулно гае неле вуйжым эркын
Вужбыкталын, лүңгалтеш уржа.
Пуйто тудо, помыжалтше эрым
Саламлалын, калшым шып рўза.

Пуйто, кё иктаж ен нур воктене
Иыр ончен кая гын, лач тудлан
Былышалтше уло кумыл дene
Ойлынеже ала-мом шыман.

Теве шоссе корно дene талын
Грузовик толеш, а сур пурак,
Машина шенгелне пүтүрналтын,
Толшо енглан корным авыра.

Кенеташте грузовик шогале.
Чемоданым кидышке кучен,

Машина гыч ўдыр шып волен,
Сур пуракым кид денже почкале.

А шофер, кабин омсажым почын,
Тудын ваке шыргыж ончалеш:
— Толын шуыч?
— Теве лач нур гочын
Чонгаташте мемнан ял коеш.

Кондыметлан тау, а мыярым
Тыланда мый түлышаш улам? —
— Ой, уке, мый ом нал нимынре,
Лучо ойлыза лўмдам мылам, —

Тидым жолым, ўдырна ёрмалгыш,
Да шоналтыш шутитла, векат,
— Мийыза мемнан деке унала,
Палыза лўмемжымат те шак. —

Чемоданжым кидын нале ўдыр,
«Tau» ман, тарваныш корнышкат.
А шофер ялт подыл шинчын вўдым,
Пелештен ыш шукто вашешат.

Угыч ончык!.. Мочол шуко корным
Рвезе шекланен кудалыштеш;
Савырналын угычын йолгорныш,
Тудын мутышм угыч шарналеш.

1957 ий,

УЛО ЧОН ДЕН ЙОРАТЕТ ГЫН...

Ойлат, пуйто ик гана ужмаште
Еңым ок лий вигак йораташ.
Кё пала, лиеш тўрлат. Ўмаште
Вашлийнам мый ўдырым, йолташ.

Да тачат ом керт монден мый тудым,
Кумалтем шинчам — вигак ужам:
Шогылтеш Нинуша, ўшшо кудыр,
Канде кофта, платьиже — ужар.

А шинча... шинчаже пешак шеме
Сад пакчаште кушишо шоптыр гай.
Керек-кё ончалже — огеш сенге
Шыргыждегеч, тўслыде ок кай.

Ятыр йўдым кончыш мылам омо,
Ятыр йўдым тудым ужынам.
Мые лўмжым шекеж деч йодын омыл,
Вес енг мут гыч веле паленам.

А тенгече, урем ден кайшемла,
Кенета вашлийм вуя-ваш,
Да тунамак капемат шокшеме,
Орым чылтак: мом тудлан ойлаш?

Тудо шекеже, шыргыжал ончалын,
Пелештале: — Лийже сай салам!

Пуйто шантысек шоген вучалым,
Пуйто шерге таңже мый улам.

Вўр-шерем виян кыраш тўигале,
— Тыге, ане, поро кас! — манам.
Тунам ўдыр эркын воштылале:
— Касшым, эржым йўршин монденат?

Шыл шогем мый, пуйто йылме кўрлын,
Ушемат эр-касым ялт монден...
Эх, лиеш-ыс илышыште тўрлў,
Кунам уло чон ден йўратет.

1957 ий.

ОЙ, ТЫЙ, ОЛЫК...

Ой, тый, олық, олық,
Сылне вер-шёрем!
Угыч мый, тыш толын,
Куанен ончэм.

Ирым-ваш пеледыш,
Ошын вел коеш,
Шёр шонгла леведын
Ала-куш шумеш.

Шола велне — тумо,
А пурлаште — ер.
Тудын йирже лумла
Пеледені ломбер.

Ер вўд — ялт воштончиш,
Иылгыжеш тораш.
Тышке лу ий ончыч
Коштым йўштыланш.

Бинде таче мые,
Пўртылмек мёнгтем,
Шарналталын тыым,
Лектым кўдыкет.

Ой, тый, олық, олық,
Сылне вер-шёрем!
Улат порсын солык,—
Йўратен ончем!

1956 ий.

ПЕРВЫЙ ЙӨРАТЫМАШ

Шым шинча окна воктен ўдыр,
Сад пакчашке шаңғышек онча.
А йолташше, шинчын тудын күдүк,
Мутланаш түңгальмыжым вуча.

Мо гын лийин ўдыр? Ок пелеште,
Жапын-жапын келгын шүлалта.
Южгунам ручкам кидыш налеш да
Адак угыч бордышкө пышта.

Кид йымалсе ош кагаз листаже
Шаңғысек туржалтын кийилтеш.
Ялт ок пале: мом гына ышташ гыи,
Молан кумыл утыр тодылтеш.

Шижын оғыл йолташ ўдыр толым,
Огеш шиж воктекше шичмымат.
— Мом шонет, Нинук, тый, манымын колын,
Чытырналтыш, ыш ойло нимат.

Да вара, трук писын савырналтын,
Шке йолташым ондалеш тазан.
Ойла, кидышм онғышко пышталын,
«Шке шүмемлан омыл мый оза.

Тый палет мемнан дек тольин ыле,
Практикым ик тылзылан, шарнет,

Ял озанлыж институттың Силии?
Уло чон ден тудым йөратем».

Ит коляне, Нина, тыге утым,
Теве толын Силин деч письма.
Пу тудлан тачак тыые вашмутым,—
Вашешта йолташыже шыман.

1956 ий.

КЕЛШЕН ИЛЫМАШНА КОДЕШ ШҮМЕШЕТ

Пален оғынал ме тыш толмо деч ончыч,
Тышак ужынна күм ий ожно, йолташ.
Эртем ыме мый коридор мучко, ончышт,
Палаш тёчен, күшто приемный лийшаш.

Тый юдыш: — Экзамен слатлаш толынат мө?
Могай факультетиш пурал тый шонет?
— Литфакыш.
— Тугеже пырля... — пеш тыматлын
Пелештышыч, күмүл нолталтын, шарнет?

Вара келшымаш пентыдеме эреак,
Кунам ме студент лийинна.
Да, лекцийиш толын, шична йыгыреак,
Күлеш годым коктын ваш-ваш полышына.

Үмаште возалтия пырля драмкружокыш,
Тыршен ямдалалтна модаш ме түшкан.
Мемиан постановым вайлийш пеш шокшым,
Эчук лийинам мый, а тый — Салика...

Уже ным идалык шижде эртей жайыш.
Пытартыш ий кодо тунемыш лекташ.
Шыжат толын шуын, огеш муро кайык,
Но чонна куай дene темын, йолташ,

...Вашке шуэш толын тугае минутшо,
Кунам чыланат ме, дипломым кучен,
Коден кайымеке родной институтым,
Пашаш пижына йызыртен.

Тунам ужат тиде шкенан шерге курсым.
Студемческий ешина возеш ушешет.
Санден тый декет мый мием сүан мур ден —
Келшен илымашна кодеш шүмешет.

1953 ий.

* * *

Шукертсек ойлаш шонем мый тидым,
Шукертсекак кörпыштем ашнем;
Южгунамже помжалтам да ѫдым
Эртен кодшым угыч шонкалем.

Ужынам мый тыйым кок ий ончыч,
Кок ий годсек пагален илем.
Ну молан гын шонымем ок рончылт,
Молан почын ом керт шүм-кылем?

Но ўшане, юрраталме ѫдир,
Шонымемжым ойлыде ом керт.
Тореш от лий — мыланем пу жидым,
Тый дечет посна пиал уке.

1953 ий.

* * *

Молан чыла ойлаш от тошт тый,
Молан апранылын шогет?
Ала шонет: кертеш-ыс воштыл,
Ала ок умыло шонет?

Уке, таңем, ит ёр мутемлан,
Ит вожыл мый дечем арам.
Вет шкемынат изи шүмемже
Лач тыйын семынак кыра.

Шижам, пеш поро тыйын кумыл,
Ом шоно тудым тодылаш.
Ушане чот: ок шуло лумла
Мемнан ваш-ваш юрратымаш.

1957 ий.

САТИРА

I

Икана, пеш сайын подышнат,
Моктанаш түгale Пыл:
Мый чыла кертам,
Мый виян улам!
Шоналтем гын — Кечым петырем,
Мый дечем нигуш тудо ок шым!
Кенета чот нугыдем шарлале
Да леведе кечым тунамак,
Но тыгодым лач мардеж пуале —
Пыл шаланыш, шулыш ёкымак.

II

Ошкымлеш урем мучко лүңген,
Лавранын пытыше пörъен.
Кенета ужеш — лач корныштак
Менге коクトыт шогылтыт «йыштак».
Ялт бреш садет, онча шинчам карен,
Мугыматыл лелешта сырен:
— Мо тыгай?! Кё нуным шогалтен?
Очыни, шонат, нимом ок пале.
Уке, мыйым оғыда ондале!
Корангеш, шонат, але тышеч,
А мый каен колтем покшеч.

Тунамак миен түкныш пырдүн,
Муралт кодо даже менге түн.
Пенгыжеш, ончал колта тыш-туш,
Мом ышташ гын, шаланен-ыс уш.
Чот коршта сантаже да вуйжат.
Вүдyleш: — Эх, йүйнам, ужат.

III

Сосна, вашлийн самырык Қазам,
Қаласыш чаманен тудлан:
— Ой-ой, йолташ, шонгемынат тазан,
Улат уже тый поидашан.

IV

Күэ парчаште сур куку
Мура ойган: — Ку-ку!
Улам-ыс йёршынак шкетаж,
Илем түнштыжат мый так.
Уке игем, уке ешем,
Куку гай уло южо ен,
Ок шоно шочышко нерген.

V

Коршантge шочынат пакчаш,
Киярым воштыл койдара:
— Улат лапка, от уж тораш,
Илет-ыс йёршынак арам.
Ужат, могае мый улам,
Кужу жапемже вет моткоч.
Кияр вашеш ойла тудлан:
— Садак нигё тыйым ок коч.

Шырчык омарта ўмбак толдалын,
 Ондалаш йоратыше «пыртиш»¹
 Қычкырлаш түңгали пешак талын:
 — Чыланат толза, тан-шамыч, тыш!
 Ончыза, могае чапле пörtым
 Мыланем пуэнит илашем.
 Те мутемлан ида шинчылт öрын,
 Ынде шырчык — мыйын пелашем.

1958 ий.

¹ «Пыртиш» — мысқылтыш мут, пörtкайык.

МЕЖНЕЧ

Шинчаончалтыш — сай,
 Капшат келща.
 Чурийже — маке гай,
 А вот паша...

Ойлат каяш пасуш —
 Тореш руа:
 «Пеш тале мыйын уш,
 Палем чыла.

Лу ий тунем лекмек,
 Колхоз пашаш?..
 Уке, мый, жап шумек,
 Қаем олаш».

А жап эре эрта,
 Шыжат толеш.
 Лач каче вел эртак
 Яра коштеш.

Ок ойло аважат
 Тудлан нимат.
 Ок ойло изажат
 Ик мутымат.

Тыге кум ий эрта,
 Но эрге шып.

Кочкаш күлеш эртак
Мүгинде, шыл...

Кастен кинош куржеш,
Вара мала.
Кунам иктаж йодеш,
Ава ойла:

«Улам ешлан мый вуй,—
Пашаш ок кошт
Вет эргым — йёршиң туй,
Вурсаш ом тошт».

Те, лудшо йолташ-влак,
Пален лийза:
Радамдам утларак
Шекланыза.

Ала тендан денат
Тыгай «йоча»
Паша деч шылынак
Күшкеш, лёча.

1958 ий.

ЙЁРАТЕ, ПАГАЛЕ КАЛЫКЕТЫМ!

Лекме годым мүйндир, кужу корныш
Ой, пеш йёсө шкетын ошкедаш.
Шұметат шижеш йокрокым
Могырет түңгәлеш корышташ.

Йолташ-влак лийыт гын пеленетше
Нельзықым от шиже йёршинат.
Күчкын чучеш тора корнетше,
Нойымашым от шиже нигунам.

Лач тыгаяк мемнан ильш корно —
Ок йорате шкет еңым пырчат.
Кеч изишлан калык дечын торло —
Ильш дечын почешат кодат,

А поктен шуаш пеш йёсө шкетын,
Шуко неле тыланет перна.
Садланак тый шкендын калыкетым
Йоратен пагале кеч-кунам.

1956 ий.

СОДЕРЖАНИЕ

Кугу Октябрь	3
Ленин	5
Шочмо ял	7
Партизанка	9
В р а ч	11
Сенгыме кече	13
Эрдене Йошкар-Олаште	15
Пайрем деч очыч	16
Удрамашлан	18
Корей гыч письма	20
Йоча пöрт	22
У мланыш	24
Шы же	26
Селасе артистка	28
Виеш ок лий келшаш	30
К а с т е н е	32
Т е л ы м	34
К о р н ы ш т о	35
Уло чон ден йöратет гын	37
Ой, тый, олык...	39
Первый йöратымаш	40
Келшен ильмашна кодеш шüмешет	42
Шукертсек ойлаш шонем мый тидым	44
Молан чыла ойлаш от тошт тый	45
С а т и р а	46
М е ж н е ч	49
Йöрате, пагале калыкетым!	51

Валентин Дмитриевич Дмитриев

Первое слово (Стихи) (На марийском языке)

Художник А. И. Бутов.

Редактор И. И. Осмин. Худ. редактор Л. Л. Аказеев.

Тех. редактор Д. К. Курочкин. Корректор Л. И. Ласточкина.
Подписано к печати 26.III—59 г. Формат 70х92 1/32. Печ. л. 1,625
(1,91). Учет.-изд. л. 1,86. Заказ № 32. Тираж 2000 экз.

Э-00765. Цена 95 коп.

Марийское книжное издательство, г. Йошкар-Ола, Советская, 110.
Типография Министерства культуры Марийской АССР,
г. Йошкар-Ола, Советская, 104.